

JU „APOTEKE SARAJEVO“

Broj: 01-03-300/19

Sarajevo, 12.02.2019. godine

Na osnovu člana 41. Statuta JU „Apoteke Sarajevo“ (Službene novine Kantona Sarajevo“, broj 04/14 i 20/16), generalni direktor d o n o s i:

PRAVILNIK O DONACIJAMA I SPONZORSTVIMA

Član 1.

U smislu ovog Pravilnika :

- Donacija je nepovratni poklon.
Donacija se vrši prema organizacijama, aktivnostima, djelatnostima ili pojedincima koji se bave pozitivnim radom od općeg društvenog značaja.
Donacija u humanitarne svrhe se vrši na način da se tim činom prakticira etičnost i odgovornost prema društvenoj zajednici.
- Sponzorstvo je uplata za koje se zauzvrat dobiva ugovoreni oblik marketinške usluge.

Član 2.

JU „Apoteke Sarajevo“ neće sponzorirati ili donirati:

- organizacije koje podupiru rasnu, vjersku, nacionalnu ili bilo koju drugu diskriminaciju,
- političke stranke, nezavisne kandidate i liste kandidata na lokalnim i državnim izborima,
- događanja koja su uvredljiva za javni moral,
- organizacije, pojedince i projekte čijim bi financiranjem JU „Apoteke Sarajevo“ i/ili odgovorne osobe u istoj počinili prekršaj pozitivnih zakonskih regulativa u pogledu nedopuštenog sukoba interesa, po slobodnoj procjeni JU „Apoteke Sarajevo“,
- organizacije i pojedince koji su svojim dosadašnjim radom štetili ugledu JU „Apoteke Sarajevo“ ili joj nanijeli materijalnu štetu.

Član 3.

Donacije i sponzorstva JU „Apoteke Sarajevo“ finansira iz vlastitih sredstava.

Ukupni iznos donacija i sponzorstva, za svaki pojedinačni izdatak, može se odobriti u iznosu do 5.000,00 KM.

Odluku o odobravanju donacija i sponzorstva donosi generalni direktor, na osnovu ocjene da isti predstavlja posrednu neposrednu korist za društvenu zajednicu, i/ili isti ima značaj u ostvarivanju općedruštvene ili općekorisne svrhe, i/ili isti ima za svrhu poticanje kulturnog i

umjetničkog stvaralaštva, i/ili ima za svrhu zaštitu i promociju zdravlja, pomoć oboljelima, te u ostalim slučajevima kada ocjeni da je isto svrsishodno.

Član 4.

Postupak dodjele donacije ili sponzorstva temeljem ovog Pravilnika započinje podnošenjem pisanog zahtjeva prema JU „Apoteke Sarajevo“ za sponzoriranje ili doniranje.

Eventualni primatelj sponzorstva ili donacije obavezan je dostaviti JU „Apoteke Sarajevo“ pisani zahtjev s podacima o primatelju sponzorstva ili donacije.

Član 5.

JU „Apoteke Sarajevo“, postupajući u skladu s ovim Pravilnikom, nije obvezno, obrazlagati svoje odluke o donacijama i sponzorstvima, niti o razlozima odbijanja pojedinih zahtjeva.

Član 6.

Ukoliko JU „Apoteke Sarajevo“ po primljenom zahtjevu odobri sponzorstvo, s primateljem je dužno sklopiti ugovor o sponzorstvu.

Ukoliko JU „Apoteke Sarajevo“ odobrava donaciju fizičkoj ili pravnoj osobi, o tome se neće sklapati poseban ugovor, nego će se o odobrenoj donaciji donijeti odluka.

Član 7.

Sva dokumentacija vezana uz sponzorstva i donacije arhivira se u Sektoru finansija i računovodstva i u općoj arhivi JU „Apoteke Sarajevo“.

Član 8.

Ovaj pravilnik supa na snagu danom donošenja, te se stupanjem na snagu ovog pravilnika stavljaju van snage svi ostali pravilnici koji regulišu pomenutu materiju.

JU „APOTEKE SARAJEVO“
Prim. mr. ph. Sait Muradić
Generalni direktor

.....